

修行之士功勤不小識五行逆順顛倒妙理玄玄玉爐中龍蟠  
虎繞金鼎內煉成至寶 陽神離體杳杳冥冥剎那間游遍三  
島出入純熟按捺住別尋玄妙合真空太虛是了

雁兒落得勝令

想赴蟠桃玳瑁筵休享御酒瓊林宴息爭名奪利心發養性修  
真願爭如紙被裏雲眠茶藥倚爐煎看峻嶺啣花鹿使巔峯獻  
果猿朝元在金闕寥陽殿安然蓬萊洞裏仙

甜水令

麻條草履風袍袖名利不剛求蓑笠綸竿釣魚釣綠水東流

折桂令

道藏輯要

鳴鶴餘音

真

藏集八

浪花中一葉扁舟揀溪山好處追游遣興忘懷醉鄉中問甚春  
秋學洗耳溪邊許由笑蝴蝶夢裏莊周茅舍清幽衲被蒙頭紅  
日三竿高枕無憂

其二

到大來散誕逍遙園林成趣獨木爲橋你便祿重官高是非海  
萬頃風濤不如俺絕利名麻鞋布襖少憂愁鬢髻銀條與飲濁  
醪醉赴蟠桃閑步雲山悶赴漁樵

其三

人生如落葉辭柯百歲光陰暗裏消磨信蹉跎世人看便似風  
魔嘆富貴如披麻救火功名似暴虎馮河白甚張羅日月如梭